

S. Kobecki.

BURUNHU KIUN MIDRASZTA.

Kujasz baszlejst aстранma orman artyna, kałdyradohon oziunđiańson kzył kiokniu. Olturam tiezeza katyna da esiryp bu kiorkbia baszlejst kieltirmia esimia aszchan jasz kiunłarni... Chaz kiozgiudia kioram nieczyk burunhu for bardym midraszcha da aszyrdym oł kiunniu. Sanaredim oziunia oł wachtta on jil da bilmiadim özgiarak siozlamia nieczyk oruceza.

Midraszta edi üwezegiuńdia kibik bałcebińlarniń, bałlary kozhałyredilar mioro kumurstchałar, tiek bulej edi tiuwiul uzach: aczyldyłar iszyklar da ałarda kioruniuldiu tiursiuniu Hazzannyn.

Ribbi juwuchłandy tierkigia, da ajtyłdy kyseha jałbarmach; son bałlary olturdular, Birysi tałmidlardiań turdu da ajty niecza sioż Ribbigia. Bałlary bahyndyłar üstimia; bundan ałladym ki siozlejst mieniem uczuń. Da muna Ribbi indiadi:

— Kiel biere, janhy tałmid!

Mień kozhałmadym ornumdan, anłamejdohon nie siozlejst da kimni inđiejd. Wale dostum, olturadohon janymda, ajty mana jarym awazba:

— Tiebia zawiot.

Turdum da bardym tierkigia. Ribbi ölezadi mieni kioziubia ajachłardan baszchadejiń, son sordu:

— Nieczyk szemij sienin?

Tyilam da bahynam üstinia. Ribbi ekiladi sormachny:

— Nieczyk sień indielas?

Bu fornu kystym inłarymbia bilgiegia ki ałlamym nie sorad.

— Nie bu sień tilsiz?

Tałmidlar baszładlar kiulmia, nie kijirdi mieni ułlu jamantychka. Bachmasejt üstiumia kioziu Ribbinin sałynhejdym üstlarynia da janczchałahajdym ałarny kudzur ałmałarny kibik... Bunda birysi dostłarymdiań kioldi bołuszłuhuma da aszkartty Ribbigia ki mień ałlamym karajeze. Ribbi kajryłdy maja bundi sormachba:

— Kak tiebia zwat'?

— Siemion,—karuw berdim.

Dostłarym baszładlar kiulmia bunun üczuń ki bałlary inđiarydłar mieni „Sieńka” da bundi atny tujmadłar. Ribbi tyncezetti kiuladohanłarny. Sondra sordu mieńdiań oruszce niecza jaszartych mieńmień.

— Diesiet', karuw berdim.

— Choroszo! stupaj na miesto.

Baszurdum da bardym ornuma. Ribbi hanuz siozładi niecza tałmidbia, son bierdi kunhurow da bałlarymyz czychtych azbarha. Aszchanda czeryk sahat Ribbi isztyrdy biźni da aszkartty biźgia (mień ałlamadym, dostłarym kiozurdiular maja) ki baryrbyz ormanha. Da uzachtan tiuwiul barymyz kurhanłar eki jergialargia baryredich orta oramba. Alyndan baryred' aharak tałmid, tiuwiul bijik da andi uzun burunba, ki anyn sortun bołamady kiormia karnyn. Ribbi baryred' jandan.

Bułaj asztych karaj oramny da kielidich tiuźgia. Anda jebierdilar biźni jergialardiań da bałlary tozuldułar isztyrma czeczakłarni. Dostłarymdan bilindim ki bu tiuż nie aszarydich—Karajłarnyn tiuziudiu. Bulej siozlejdhon asztych tar jolczachba ormanha, kajdy bary tozuldułar kim kejra.

Aszchanda sahat wacht ormanda tujuldu syzhymach. Edi bu bilgi isztyryłmachka. Bałlarymyz dzachładych bilgili orunha, kajda tioziarydi biźni Ribbi da bir niecza taszezałardan. Ysztyryłbanda bałlary, olturduch kiolagiasinđia ułlu ahaczyn kurszejdhon Ribbimizni, kajsy baszłady nieńdiis jomach. Mień ołurdum mioro sandraw ałamejdohon birdia sioźniu Oł wachtta bierdim öziunia sioż ki tiejż üranim öz tikry sioźniu.

Bulej aszty sahat eki tiekli; son isztyrynyp jana jergialargia akyrtyń tartyłdych juwgia. Bulej aszty burunhu kiun midraszta.